

Bondepartiregjeringa sende folk i elden og skaut dei ned attanfraa.



Etter upprit i høgrebladet «Gudbrandsdølen» sa Quisling i eit valmøte paa Veslehamar i går:

Daa eg som forsvarsminister tok upp kampen i stortinget mot dei revolusjonære partia, og peika paa undergravingsarbeidet dei har drive med stønad fra Sovjet-samveldet, hadde eg fyre tala mi dryft saka i regjeringa og med regjeringssjefen. Han visste kva et vilde segja og hadde fleire gonger bede meg segja det i stortingssalen. Daa dei vart forstørkte i stortingssalen over tala, som regjeringssjefen baade visste um og samtykte i, fall Hundseid meg i ryggen paa oppmoding frå Mowinckel. Eg fekk avskil av statsministeren etterpaz, men daa folke meininger viste det var eg som hadde sagt det folket vilde skulde bli sagt i dette stortinget som sat og skalv daa det merka kvar folket stod, daa bad Hundseid

meg bli sitjande i regjeringa, og vilde senda ut fraasegner i strid med sanninga. Dette nekta eg versa med paa; til slutt gjekk eg likevel med paa aa halda fram som forsvarsminister, men den fraasegna som vart utsend hadde eg ikkje godteke.

Dette og anna har eg tagt med trass i mange oppmodinger um aa segja fråa. I andre saker og har bondepartiregjeringa sendt ein mann i elden og skote han ned attanfraa. Høgre var og med i dette spelet. Dei freista undergrava stillinga mi, dei fabrikerte sognor um at eg planla statskup. Generalsekretæren åt høgre gjekk til Hundseid og vilde ha meg burt for skuld gysjor høgre sjølv hadde laga. Det gjekk ikkje, men viljen var god.

Stortinget hadde paalagt regjeringa aa fylgje den revolusjonære rørsla her i landet med aarvake augo. Eg drog konsekvensen av dette mot Moskva-agenten kaptein Kullmann, medan høgre, bondepartiet og dei andre undergrov meg. So kravde eg at regjeringssjefen skulde gaa, men dei andre i regjeringa bad meg bli sitjande i Hundseids regjering so bondepartiet ikkje vart sprengt. Eg sat for di fleirtalet i regjeringa stod paa mi side, ikkje paa stats-

minister Hundseids side. Seinare gjekk dei laus paa meg i bondepartiet, og eg vilde ikkje vera lengre med paa humbugen.

Naar eg har skipa eit nytt parti, har det sjølvhågt gjort sitt at bondepartiet svikta. Trass i særstertkt trykk har eg tagt med dette til no. Men naar bondepartifolk skriv og talar som paa Vestuppland, endaa dei veit betre, må eg segja fråa. Paa eit møte nyst bad partiformannen (gardbrukar Hans Rognerud) meg segja fråa um stoda mi til bondepartiet. Eg gjorde det, men han tok upp or lumma ei skriftleg fullmakt til aa segja at eg tala usanning. Likevel tagde eg til toske-skapen. Men paa eit møte i Gjøvik spurde same mannen kvifor eg ikkje tok hatten min og gjekk fråa regjeringa. Eg svara: Dei veit sjølv korleis det heng i hop, eg vilde ut, men var lojal og sat. -- Eg trudde dette svaret vilde hjelpa, men kva skjer so? Stortingsmann Ørud faar ei fraasegn fråa generalsekretæren i bondepartiet (Holten) um at det Quisling har sagt ikkje er sant og prentar den i «Vestopland», som stemplar det eg sa som fri fantasi. Dei skriv dette endaa dei har alle papir som provar at det eg segjer er rett.

Hundseid utleverte forsvarsministeren sin for ei tale regjeringa hadde godkjent fyreåt.

Quislings lojalitet mot bondepartiet berga regjeringa i Kullmannsaka og mot Grams høgreintrigor.

Storpolitiske sensasjonstale paa Veslehamar.